

Član 2.

Ovo Rješenje stupa na snagu danom donošenja, a biće objavljeno u "Službenim novinama Kantona Sarajevo".

Broj 01/1-02-2857-9c)/11
29. septembra 2011. godine
Ilijaš

Predsjedavajući
Općinskog vijeća
Petar Ilić, s. r.

Na osnovu člana 29. stav 1. tačka 4. Zakona o lokalnoj samoupravi - prečišćeni tekst ("Službene novine Kantona Sarajevo", broj:22/00), člana 55. i 105. stav 2. Statuta Općine Ilijaš-prečišćeni tekst ("Službene novine Kantona Sarajevo", broj 20/09) i člana 151. Poslovnika Općinskog vijeća Ilijaš ("Službene novine Kantona Sarajevo", broj 2/10), Općinsko vijeće Ilijaš, na sjednici održanoj 29. septembra 2011. godine, donosi

RJEŠENJE

O IZBORU ČLANA KOMISIJE ZA STATUT I PROPISE

Član 1.

Za člana Komisije za Statut i propise bira se SAFET STOMORNJAK kao predstavnik Hrvatske seljačke stranke (Hrvatska Koalicija Kantona Sarajevo).

Član 2.

Ovo Rješenje stupa na snagu danom donošenja, a biće objavljeno u "Službenim novinama Kantona Sarajevo".

Broj 01/1-02-2857-9d)/11
29. septembra 2011. godine
Ilijaš

Predsjedavajući
Općinskog vijeća
Petar Ilić, s. r.

OPĆINA VOGOŠĆA

Općinsko vijeće

Na osnovu člana 44. stav 4. Zakona o prostornom uređenju ("Službene novine Kantona Sarajevo", broj 7/05) i člana 23. i 71. Statuta Općine Vogošća ("Službene novine Kantona Sarajevo", broj 3/09 - novi Prečišćeni tekst) Općinsko vijeće Vogošća je, na sjednici održanoj 29. septembra 2011. godine, donijelo

ODLUKU

**O USVAJANJU IZMJENA I DOPUNA
URBANISTIČKOG PROJEKTA "SOLARIS" -
VOGOŠĆA**

Član 1.

Usvaja se Izmjena i dopuna Urbanističkog projekta "Solaris" - Vogošća (u daljem tekstu:Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

1. Odluka o provođenju Izmjena i dopuna Urbanističkog Projekta "Solaris" - Vogošća,
2. Tekstualni dio plana.

Grafički dio sadrži:

1. Izvod iz Urbanističkog projekta "Solaris" - Vogošća ("Službene novine Grada Sarajeva", broj 5/88, 16/90) 1:1000
2. Postojeće stanje građevinskog fonda i plan rušenja 1:500
3. Namjena površina :1000
4. Planirano stanje - osnova partera :500
5. Planirano stanje - osnova karakteristične etaže 1:500
6. Mreža građevinskih i regulacionih linija 1:500
7. Analitička obrada građevinskih parcela
8. Idejni projekat vanjskog uređenja sa nivelacijom
9. Idejni projekat za stambeni objekat sa javnim garažama Vogošća
10. Idejni projekat bungalova i gledališta
11. Idejno rješenje toplifikacije i gasifikacije
12. Idejno rješenje snabdijevanja vodom i odvodnja otpadnih oborinskih voda
13. Idejno rješenje elektroenergetike i javne rasvjetе
14. Idejni projekat kablovske TK mreže

Član 3.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Vogošća i Zavodu za planiranje razvoja Kantona Sarajevo.

Član 4.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-2074/11
29. septembra 2011. godine
Vogošća

Predsjedavajuća
Općinskog vijeća Vogošća
Nada Sućur, s. r.

Na osnovu članova 29, 45 i 47 Zakona o prostornom uređenju ("Službene novine Kantona Sarajevo", broj 7/05) i članova 23. i 71. Statuta Općine Vogošća ("Službene novine Kantona Sarajevo", broj 3/09 - Novi prečišćeni tekst), Općinsko vijeće Vogošća, na sjednici održanoj 29. septembra 2011. godine, donijelo je

ODLUKU

**O PROVOĐENJU IZMJENA I DOPUNA
URBANISTIČKOG PROJEKTA "SOLARIS" -
VOGOŠĆA**

Član 1.

Ovom Odlukom uređuju se uslovi korištenja, izgradnje, uređenja i zaštite prostora i način provođenja Izmjena i dopuna Urbanističkog projekta "Solaris-Vogošća" (u daljem tekstu: Plan), a naročito granice prostorne cjeline, urbanističko-tehnički uslovi za izgradnju građevina, uslovi za uređenje građevinskog zemljišta, uređenje sportsko rekreacionih površina, uređenje zelenih i slobodnih površina, te odnosi prema postojećim objektima.

Član 2.

"Granica obuhvata urbanističkog projekta "Solaris" polazi od tačke br. 1. koja se nalazi na medi između parcela k.č. 1106. i k.č. 1108/2, a ima koordinate: y= 6 527440, x= 4 862262. Potom produžava na jugoistok sijekuci u pravoj liniji parcelu k.č. 1108/1 i dolazi u tačku br. 2. koja ima koordinate: y= 6 527452, x= 4 862257. Tačka se nalazi na parceli 1108/1. Granica se potom lomi na istok sijekuci u pravoj liniji parcele k.č. 1108/1 i k.č. 2402 (put) i dolazi do tačke br. 3 koja se nalazi na medi između parcela k.č. 2402 (put) i k.č. 1133, a ima koordinate: y= 6 527532, x= 4 862260. Granica obuhvata produžava na sjeveroistok sijekuci u pravoj liniji parcele: k.č. 1133 i k.č. 1134/1 i dolazi u tačku br. 4. koja ima koordinate: y= 6 527579, x= 4 862357, a koja se nalazi na parceli k.č. 1134/1. Granica se potom lomi na jugoistok sijekuci u pravoj liniji parcele k.č. 1134/1 i 1134/2 i dolazi do trase planirane naseljske saobraćajnice. Granica obuhvata potom produžava na istok, te sjeveroistok idući trasom planirane naseljske saobraćajnice (obuhvata je) i dolazi u tačku br. 5. koja se nalazi na parceli 1252/1, a ima koordinate: y= 6 527733, x= 4 862373, zatim nastavlja u istom pravcu sijekuci u pravoj liniji parcelu k.č. 1252/1, te dolazi u tačku br. 6 sa koordinatama: y= 6 527750, x= 4 862382, koja se nalazi na medi između parcela k.č. 1251/1 i k.č. 1254. Produžava na sjeveroistok, te jugoistok idući

medama parcela k.č. 1254 i 2386/1 (put) obuhvata ih i dolazi u tačku br.7 sa koordinatama; y= 6 527975, x= 4 862290, koja se nalazi na parceli k.č. 1262, zatim nastavlja u pravcu juga idući preko parcela k.č. 1263, 1259/2, 2386/4 i dolazi do tromede parcela k.č. 1259/1, 1251/2 i 2386/4, potom produžava na jugozapad međom parcele k.č. 1251/2, te trasom planirane naseljske saobraćajnice i izlazi na ulicu Vogošćanskih odreda (k.č. 2407), kojom produžava na jugozapad (obuhvatajući je) i dolazi do tačke br. 8 koja se nalazi na parceli k.č. 1167, a ima koordinate: y= 6 527569, x= 4 862106, lomi se na sjever sijekući u pravoj liniji parcele: k.č. 1167, k.č. 1166, 1158/1 i dolazi do tačke br. 9 koja se nalazi na rubu lokalnog puta, a ima koordinate: y= 6 527522, x= 4 862214. Granica obuhvata dalje produžava u pravcu zapada idući lokalnim putem (obuhvata ga) i izlazi na trasu planirane naseljske saobraćajnice kojom produžava u pravcu sjevera, istoka, te juga (obuhvatajući je) i dolazi do mjesta odakle je opis i počeo (tačka br.1.).

Sve naprijed navedene parcele nalaze se u K.O. Vogošća.
Ukupna površina obuhvata iznosi 7,7 ha."

Član 3.

U obuhvatu ovog Plana definisane su zone sa sljedećim namjenama:

- Sportsko rekreacioni kompleks "Hotel Park Vogošća" 3,20 ha
- Zona stanovanja 3,23 ha
- Zona društvene infrastrukture 0,66 ha
- Saobraćajne površine 0,61 ha

Član 4.

Izgradnja na ovom području vršit će se na osnovu ovog Plana.

Član 5.

Urbanističko tehnički uslovi za izgradnju građevina:

5.1. Regulaciona linija i parcelacija:

- Građevinske parcele utvrđene su regulacionom linijom i definisane su u grafičkom dijelu Plana;
Planom utvrđene parcele moguće je zavisno od potrebe spajati više parcela u jednu, pri čemu se ne može remetiti planirani saobraćajni koncept i utvrđena distanca građevinskih linija u odnosu na saobraćajnice i susjedne objekte.

5.2. Građevinska linija:

- Građevinska linija utvrđuje dio građevinske parcele na kojoj je moguće izgraditi građevinu.
Građevinskom linijom je utvrđena udaljenost objekta od regulacione linije i pravac pružanja uličnog pročelja.
- Građevinska linija ne može prelaziti regulacionu liniju osim ako ista nije predviđena Planom
- Građevinska linija podrumске etaže može biti i veća od građevinske linije osnovnog gabarita objekta, ali samo na dijelu koji je cijelom površinom ukopan u odnosu na uređeni teren. Kod realizacije navedene podrumске etaže voditi računa da se ne ugrozi stabilnost objekata na susjednim parcelama.
- Građevinsku liniju zamjenskih objekata, odnosno, prizemne i potkrovnе etaže, povući za minimalno 0,5 metara ukoliko se objekat nalazi uz saobraćajnicu sa širinom kolovoza manjom od 6,0 metara.

5.3. Spratna visina i etaže objekta:

- Planirana spratnost i odstojanje građevinskih linija utvrđene su Planom i ne mogu se mijenjati; Etaže objekta su : podrum ("Po"), suteran ("S"), visoko prizemlje ("Vp") prizemlje ("P"), spratovi ("1", "2", "...), potkrovlje ("Pt").
- Spratnost objekata na kosom terenu odnosi se na dio vertikalnog gabarita objekta lociranog na nižoj strani uređenog terena, odnosno računa se od kote najnižeg ruba uređenog terena uz građevinu;
- Podrumom se smatra najniža etaža zgrade koja je najmanje jednom polovicom volumena i sa svim

stranicama ukopana u odnosu na uređen teren (više od 50%). Jedna ili više podrumskih etaža mogu se realizirati kod izgradnje planiranih građevina, pod uslovom da se obezbijede odgovarajuće tehničke mjere u cilju zaštite od podzemnih i površinskih voda kao i obrušavanja terena;

- Suteran je etaža dijelimično ukopana u teren sa tri strane i slobodnim pročeljem, kao i etaža zgrade koja je ukopana u odnosu na uređen teren između jedne četvrtine do jedne polovine svog volumena (između 25% i 50%).
- Tavan je prostor ispod krovišta sa maksimalnim nadzidkom od 60 cm. Visina nadzidka se mjeri od gornje kote poda tavana/potkrovlja do tačke preloma nadzidka sa krovnom konstrukcijom.
- Potkrovnom etažom se smatra prostor ispod krovišta sa visinom nadzidka od 60 cm do 150 cm.

5.4. Postojeći objekti:

Za postojeće objekte koji se zadržavaju ovim Planom, a izgrađeni su bez odgovarajućih odobrenja i nalaze se na površinama koje su geoinžinjerskim elaboratom utvrđene kao:

- nestabilni tereni i aktivna klizišta - naknadna urbanistička saglasnost se može odobriti tek nakon provedenih detaljnih geoinžinjerskih istraživanja od strane ovlaštene institucije i provedenih sanacionih radova na stabilizaciji terena,
- uslovno stabilni tereni - naknadna urbanistička saglasnost može se odobriti uz izradu geotehničkog izvještaja koji će sadržavati geološka svojstva (stabilnost), stanje objekta i uslove fundiranja po izvedenom stanju,
- stabilni tereni - naknadna urbanistička saglasnost se može odobriti uz detaljan geološki izvještaj.
- Za objekte koji su izgrađeni bez odgovarajućih saglasnosti, a ovim Planom su predviđeni za rušenje u svrhu realizacije saobraćajnica, naknadna urbanistička saglasnost se ne može odobriti;

Nadzidivanje postojećih objekata može se dozvoliti pod sljedećim uslovima:

- objekat na kojem se vrši nadzidivanje mora zadovoljiti konstruktivno-seizmičke uslove,
- za sve novoplanirane sadržaje mora se obezbijediti odgovarajući broj mjesta za parkiranje/garažiranje,
- kod nadzidivanja postojećih objekata, nadzidani dio objekta uskladiti sa postojećim u cilju unapređenja estetskih vrijednosti postojećeg izgleda objekta, u skladu sa odredbama tačke 5.6. i tačke 5.7. ove Odluke koje se odnose na arhitektonsko oblikovanje i materijalizaciju.

5.5. Planirani objekti

Planom predviđeni novi objekti su: Bungalovi-objekat apartmanskog tipa, Gledalište, Stambeni objekat sa garažom, Individualni stambeni objekti - lamele "f" i "g", Kolektivni stambeni objekti "A2", "I", "E", "B" i "D" i sportski objekti-terni (sportsko rekreacioni sadržaji: za mali fudbal, tenis, košarkašku).

Realizacija Planom predviđenih objekata vršit će se:

5.5.1. Bungalovi-objekat apartmanskog tipa

- Prema glavnom projektu koji je potrebno uraditi na osnovu usmjerenja datih Planom, "Idejnim projektom vanjskog uređenja sa nivelacijom" i "Idejnim projektom bungalova i gledališta", a koji su sastavni dio Plana.

5.5.2. Gledalište

- Prema glavnom projektu koji je potrebno uraditi na osnovu usmjerenja datih Planom, "Idejnim projektom vanjskog uređenja sa nivelacijom" i "Idejnim projektom bungalova i gledališta", a koji su sastavni dio Plana.

5.5.3. Stambeni objekat sa garažom

- Prema glavnom projektu koji je potrebno uraditi na osnovu usmjerenja datih Planom, "Idejnim projektom vanjskog uređenja sa nivelacijom" i "Idejnim projektom", a koji su sastavni dio Plana.

5.5.4. Individualni stambeni objekti - lamele "f" i "g"

- Prema glavnom projektu koji potrebno uraditi na osnovu usmjerenja datih Urbanističkim projektom "Solaris" - Vogošća ("Službene novine Grada Sarajeva" broj 5/88,16/90)

Kod izrade glavnih projekata preuzetih nizova objekata isti se trebaju prilagoditi novoplaniranoj saobraćajnici, odnosno nivelacione kote prizemlja moraju se uskladiti sa nivelacionim kotama naznačenim u saobraćajnom rješenju Izmjena i dopuna Plana

5.5.5. Kolektivni stambeni objekti "A2", "I", "E", "B" i "D"

- Prema glavnom projektu koji potrebno uraditi na osnovu usmjerenja datih Urbanističkim projektom "Solaris" - Vogošća ("Službene novine Grada Sarajeva", broj 5/88,16/90)

Kod izrade glavnih projekata preuzetih nizova objekata isti se trebaju djelimično prilagoditi novoplaniranoj saobraćajnici, odnosno nivelacione kote prizemlja moraju se uskladiti sa nivelacionim kotama naznačenim u saobraćajnom rješenju Izmjena i dopuna Plana

5.5.6. Sportski objekti-terni (sportsko rekreacioni sadržaji: za mali fudbal, tenis, košarkašku).

- Prema glavnom projektu koji su u funkciji primarne namjene objekta, odnosno, za proširenje postojećih ili uspostavu novih stambenih jedinica, bez realizacije krovnih badža i osvjetljenjem prostora samo sa krovnim prozorima.

5.6. Arhitektonsko oblikovanje:

Arhitektonsko oblikovanje i materijalizaciju kod rekonstrukcije, dogradnje ili nadogradnje objekata prilagoditi postojećem ambijentalnom izrazu.

5.7. Završna etaža i krovšte

U slučaju primjene kosih krovova i tavanski prostori se mogu koristiti za sadržaje koji su u funkciji primarne namjene objekta, odnosno, za proširenje postojećih ili uspostavu novih stambenih jedinica, bez realizacije krovnih badža i osvjetljenjem prostora samo sa krovnim prozorima.

Nagib kosih krovova prilagoditi nagibu na susjednim objektima odnosno za objekte u nizu sa zabatnim zidom je neophodno ujednačiti krovnu ravan.

Krovni pokrivač uskladiti sa pretežnim načinom pokrivanja krovova u naselju (sve vrste crijeva);

5.8. Ostali uslovi:

- Koeficijent izgrađenosti utvrđen je i prezentiran u tekstualnom obrazloženju Plana;
- Nivelacione kote prizemlja planiranih objekata u odnosu na saobraćajnicu - ulicu utvrdit će se na osnovu nivelacionih kota saobraćajnica datih u Planu;
- Nivelaciona kota prizemlja ili suterena u objektima u kojima je predviđen poslovni prostor mora se izvesti najmanje 15.0 cm više od kote niveleta pločnika;
- Nivelete pješačkih saobraćajnica, kao i prilazi i ulazi u građevine, moraju biti isprojektovane i izvedene prema Uredbi o urbanističko-tehničkim uslovima, prostornim standardima i normativima za otklanjanje i sprečavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala ("Službene novine Kantona Sarajevo", broj 5/00);
- Priklučke na saobraćajnice i mrežu komunalne infrastrukture treba u svakom konkretnom slučaju projektovati u skladu sa Planom (važećim tehničkim normativima) na osnovu faza komunalne infrastrukture koje su sastavni dio Plana;
- Pomoćni objekti koji se zadržavaju, ovim planom nisu tretirani. Nadležna općinska služba dužna je na osnovu dokaza o vlasništvu, kao i prostornih mogućnosti parcele odrediti status ovim objektima.

Član 6.

Izgradnja i uređenje površina vrši se u obimu i na način kako je to predviđeno ovim Planom.

Izgradnja građevina ne može se započeti bez prethodno minimalnog uređenja građevinskog zemljišta pod čim se podrazumjeva obezbjeđenje saobraćajnog pristupa, priključenje na vodovodnu, kanizacionu i elektroenergetsku mrežu, eventualnog izmještanja vodova komunalne infrastrukture.

Nije dozvoljena izgradnja objekata i obavljanje djelatnosti koji su u suprotnosti sa Planom utvrđenom namjenom.

Kod novoplanirane izgradnje građevina potreba za pomoćnim prostorima (tipa: ostave, garaže, radni prostor i sl.) moraju se osigurati u sklopu planiranog matičnog gabarita građevine.

Prije izdavanja odobrenja za građenje potrebno je pored projekta objekata predviđenih za izgradnju, obezbijediti i projekat uređenja parcele.

Član 7.

Pri izdavanju dozvole za građenje arhitektonskih objekata potrebno je pribaviti inženjerskogeološki i geotehnički nalaz i uslove temeljenja od stručnih institucija, a statički proračun mora se dimenzionirati za potrebe najmanje 80 MCS.

Tehnička dokumentacija za realizaciju novih objekata mora biti u saglasnosti sa preporukama vezanim za konstruktivne elemente same građevine i neophodnih radova na okolnom terenu na osnovu detaljnog inženjerskogeološkog i geotehničkog izvještaja, koji treba biti urađen od strane ovlaštene firme.

Obim i kvalitet izvedenih radova vezanih za geoinženjerske uslove moraju biti verifikovani u okviru tehničkog prijema, a upotreba dozvola se ne može izdati ukoliko predviđeni radovi nisu u obimu i kvalitetu zadovoljavajući.

Član 8.

Prije izgradnje planiranih sadržaja potrebno je izvršiti dodatna istraživanja na lokaciji svakog pojedinačnog objekta kao i na planiranim usjecima ili zasjecima kako bi se zemljani radovi na pripremi građevinskih površina za građenje mogli odvijati uz maksimalno obezbjeđenje lokalne i opšte stabilnosti terena.

Član 9.

Na postojećim objektima koji su predviđeni za rušenje mogu se odobriti samo radovi tekućeg održavanja, te u cilju obezbjeđenja stabilnosti i normalnog korištenja objekata.

Član 10.

Prizemlja ili sutereni postojećih i planiranih individualnih i kolektivnih stambenih objekata se mogu pretvarati u poslovni prostor (spratne etaže samo u kancelarijski prostor).

Član 11.

U poslovnom prostoru mogu se obavljati sve djelatnosti koje ne ugrožavaju prirodnu sredinu i okoliš, koje ne remete korištenje susjednih objekata i sadržaja i koje se vrše u objektima izgrađenim u skladu sa važećim propisima u odnosu na djelatnosti koje se u njima vrše.

Član 12.

Izgradnja objekata privremenog karaktera može se odobriti isključivo za potrebe gradilišta, a u skladu sa članom 77. Zakona o prostornom uređenju Kantona Sarajevo ("Službene novine Kantona Sarajevo", broj 7/05).

Član 13.

Ograde kod stambenih objekata se predviđaju za slobodnostojeće individualne objekte i objekte u nizu. Ograda može biti maksimalne visine 1.20 m i postavljena po regulacionoj liniji. Ograde trebaju biti realizovane tako da budu transparentne uz kombinaciju sa živim materijalom (živa ograda).

Član 14.

Objekti, koji se nalaze u zaštitnom pojasu planiranih saobraćajnica, a izvan kolovoza saobraćajnice, ukoliko dođe do zamjene građevinskog fonda, potrebno je objekat pomaći na zadatu građevinsku liniju.

U objektima navedenim u prethodnom stavu ne mogu se dozvoliti zahvati kao što su dogradnja i nadogradnja.

Član 15.

Saobraćajne površine, površine za parkiranje i garažiranje vozila utvrđene su "Idejnim projektom vanjskog uređenja sa nivelacijom".

Parkiranje - garažiranje za novoplanirane objekte, se mora obezbijediti u sklopu pripadajuće parcele, unutar gabarita objekta ili jedne ili više podzemnih etaža garaže;

Prilikom izdavanja urbanističke saglasnosti za novoplanirane objekte, a na osnovu tražene brutto građevinske površine i namjene, neophodno je odrediti broj parking - garažnih mjesta i to na sljedeći način: za stambenu izgradnju 1 stan - 1 parking mjesto, za poslovne sadržaje jedno parking mjesto na 60 m² /max. BGP

Parkiranje i garažiranje vozila za potrebe individualnog stanovanja mora se obezbijediti na parceli koja pripada stambenom objektu. Garaža se može na parceli locirati u sklopu stambenog objekta, odnosno u okviru zadate građevinske linije. Moguća je i izgradnja garaža bočno u odnosu na planirani objekat, tako da njegova udaljenost od regulacione linije prema saobraćajnici bude ista ili veća od udaljenosti planiranog objekta, a na način koji omogućava izgradnju istog objekta na susjednoj parceli, odnosno pod uslovom da su vlasnici obje parcele saglasni. Objekti garaže mogu biti samo prizemni. U slučaju da se stambeni objekat nalazi (na kosom terenu) ispod pristupne saobraćajnice, a nagib terena je takav da se garaža ne može graditi, može se dozvoliti izgradnja ploče za parkiranje vozila, kao proširenje trotoara. Najviša kota ploče za parkiranje ne može preći visinu trotoara. Dobiveni prostor ispod ploče se može koristiti kao pomoćni objekat. Namjena garažnog prostora se ne može mijenjati. Interni saobraćaj koji je u grafičkom prilogu definisan u okviru građevinskih parcela sa stambeno-poslovnim objektima realizuje sam investitor. Prikazani interni saobraćaj u okviru navedenih parcela se može i mijenjati, ali pod uslovom da se zadovolji propisan broj parking mjesta.

Član 16.

Unutar saobraćajnog ugla preglednosti se ne mogu postavljati ograde, vršiti sadnja visokog zelenila ili graditi druge fizičke strukture.

Član 17.

Izgradnja i uređenje zelenih površina vrši se u skladu sa prethodno pribavljenom odgovarajućom dokumentacijom urađenih na osnovu Idejnog rješenja hortikulture, koji je sastavni dio Plana.

Član 18.

Uslovi za sklanjanje stanovništva i materijalnih dobara moraju biti obezbijedjeni u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03) i odredbama Uredbe o mjerilima, kriterijima i načinu izgradnje skloništa i tehničkim normativima za kontrolu ispravnosti skloništa ("Službene novine Federacije BiH", broj 21/05).

Član 19.

U postupku donošenja odobrenja za građenje, odnosno u postupku donošenja urbanističke saglasnosti i odobrenja za građenje nivelete pješačkih saobraćajnica, kao i prilazi i ulazi u građevine moraju biti isprojektovane i izvedene prema Uredbi o urbanističko-tehničkim uvjetima, prostornim standardima i normativima za otklanjanje i sprječavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala ("Službene novine Kantona Sarajevo", broj 5/00).

Član 20.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-2075/11

29. septembra 2011. godine
Vogošća

Predsjedavajuća

Općinskog vijeća Vogošća
Nada Sućur, s. r.

IZMJENE I DOPUNE UP "SOLARIS"

